

फ्रेंकफर्ट हादर गेजेरारि बिजाब मेला

लिरगिरिजों लोगो हमज्लायाय हाबाफारिखौ
बद्री नारायणजों लोगोसे खुंदों



गोदान दिल्ली, 17 अक्टूबर: बहुमनि बयनिखुइबो देरसिन बिजाब मेला, फ्रेंकफर्ट गेजेर हायुंआरि बिजाब मेलानि नैथि सानाव साहित्य अकादेमीया मुंदांखा हिन्दी खन्थायगिरि बद्री नारायणजों लोगोसे 'लिरगिरिजों लोगो हमज्लायाय' हाबाफारि खुंदोंमोन। बद्री नारायणखौ बिथांनि खन्थाइ जथाइ 'तुमडी के शब्द' नि थाखाय 2022 माइथायनि साहित्य अकादेमी (□ 6 बिलाइआव)

फ्रेंकफर्ट हादर गेजेरारि बिजाब मेला

बान्थाजों मान होनाय जादों। बिथाइ सासे खन्थाइगिरिल 'नछ नाथाय सासे समाजारि बिगियानगिरियो, आधिखालाव गबिन्द वल्लभ पंत समाजारि बिगियान फसंथान, झुँसी, इलाहाबादनि सामलायगिरि महरै हावा मावगासिनो दं। बिथांनि गुबुन खन्थाइ बुधुमनायफोराव 'खुदाई में हिंसा', 'सच सुने काई दिन हुए' बायदिफोरखौ मोन्नो हायो। बिथाइ केदार सम्मान आरो भारत भुषण अग्रवाल बान्थाबो मोन्नो हादोंमोन। बिथांनि खन्थाइफोरा गुबुन गुबुन भारतआरि रावफोराव राव दानस्ताय जावाय। साहित्य अकादेमीनि नेहाथारि के. श्रीनिवासरावआ बिथांजों भारतआरि समाजजों सोमोन्दो गोनां समाजारि सौलुफोरनि सायाव सावरायदोंमोन। बिथाइ रायज्लायाय समाव गावनि खन्थाइफोरखौबो फरायदोंमोन। दिने, गुबुन-गुबुन हादतफोरनि गोवां फोसावगिरि आरो एजेन्टफोरा धुनलाइ एकादेमीनि स्टलाव राव सोलायनायजों सोमोन्दो गोनां बायदि रोखोमनि खारिथि मोन्नो हादोंमोन। बेखौ मिश्रिथिनो मोनोदि, साहित्य एकादेमीआ बे बिजाब मेलायाव राव सोलायनाय आरो कपीराइटनि थाखाय गावनि 100 पाब्लिकेशनफोरखौ मोन्नो हादों। बे बिजाब मेलाया 20 अक्टूबर, 2024 मायथाइसिम सोलिगोन □